



Rajoelina mizaka zom-pirenena Frantsay **2**
 Misy miaramila maniry fangataham-panazavana avy amin'ny HCC

www.gvalosoa.com

gvalosoa@yahoo.com

facebook : gazety valosoa rakoto

Talata 27 jona 2023

Laharana 1447

Vidiny : 600 Ar

Kongresy nasionalin'ny TIM ny sabotsy izao **2**

Hafana ny eny Tanjombato efa nisy niainga ny any amin'ny faritra



Miala Rajoelina **2**

Ninia naka zom-pirenena Frantsay



Fifidianana amin'ny rafitra isan'ambaratongany **5**

Mafy ny teritery ataon'ny mpitondra, eo amin'ny baolina kitra



Basket any Menabe **5**

Mijaly foto-drafitrasa sy ailiky ny mpitondra



Beakanga Mandoto **6**
 Mihantsy mpitandro filaminana ny dahalo

Taom-pianarana 2023/2024 **6**
 Hanomboka ny 4 septambra 2023

Daka kely
 Tena V marina ialahy ry Boaikely, misafo andian-tafika ve dia mikopakopaka ny pokona a!

KONGRESY NASIONALIN'NY TIM NY SABOTSY IZAO

Hafana ny eny Tanjombato, efa nisy niainga ny avy any amin'ny faritra

Ho tanterahana ny sabotsy 1 jolay izao eny amin'ny Magro Tanjombato ny kongresy nasionalin'ny antoko Tiako i Madagasikara (TIM). Araka ny vaovao voaray omaly, efa nisy niainga ireo mpizaika avy any amin'ny faritra lavitra ny renivohitra toy ny avy any Sava sy ny avy any amin'ny faritra Androy sy Anôsy, noho ny haratsian-dalana sy noho ny fahalavirana izay. Efa vita ny toerana hanaovana izany kongresy izany, ary efa nanadio ny toerana ireo mpiakatroka avy amin'ny antoko ao Antananarivo Atsimondrano. Hafana io kongresy io noho ny raharaha mafana eto amin'ny firenena amin'izao fotoana : teo ny fane-sorana ireo mpiambina ny filoha Ravalomanana ny faran'ny herinandro teo, ary naverina taminy ihany izany avy eo. Eo ny finavian'ny filoha Rajoelina naka zom-pirenena Frantsay, ka maha-ratsy endrika azy amin'ny fiarovana ny tombontsoam-pirenena, indrindra ny fiarovana ny tombontsoan'ny vahoaka Malagasy. Ny nana-poahan'ny mpitandro filaminana lakrimôzina tamin'ny filoha Ravalomanana sy ny vahoaka tany Antsirabe. Ary indrindra ny ho fiatrehana ny fidiandana filohampirenena hatao amin'ity taona ity. Nanamafy ireo voalaza ireo ny filoha Marc Ravalomanana teny Alasora Avaradrano ny zoma teo, nandritra ny nanatrehany ny fizarana vary nataon'ny kaominina notarihan'ny ben'ny tanàna Jimmy Randriantsoa, tamin'ny olona miisa 3500 ao amin'ity kaominina ity, noho ny fankalazana ny faha-63 taona niverenan'ny fa-



Ny filoha Ravalomanana teny Alasora ny zoma lasa teo.

haloovantenan'i Madagasikara. Nirahaba ny vahoaka Malagasy rehetra sahadry koa, tratra ny Asaramanitra tamin'io fotoana io i Dada. Mahakasika ny fizakan'ny filoha Rajoelina ny zom-pirenena Frantsay, niantso ny foloalindahy izy handray ny andraikiny ny amin'ny fanajana ny lalàna mahakasika izany, miantso ireo andrim-panjakana hafa voakasika koa izy, hiteny momba izao famadihana tanindrazana goavana ataon'ny filoha ankehitriny izao, amin'ny fizakany izany zom-pirenena Frantsay izany. Nanotrona ny filoha Ravalomanana teny Alasora ny faran'ny herinandro teo io, ny depioten'Avaradrano Gerry Randriambolaina sy ny depioten'Ambatondrazaka Fidèle Razarapiera.

Isambilo

Rajoelina mizaka zom-pirenena Frantsay

Misy miaramila maniry fangataham-panazavana avy amin'ny HCC

Manoloana ny fizakan'ny filoha Andry Rajoelina ny zom-pirenena Frantsay, dia misy andiana miaramila nanambara fa mangataka fanazavana hain-gana amin'ny Fitsarana Avo momba ny lalampanorenana, na HCC izy ireo, mahakasika izany raharaha izany, manao fanambarana ihany koa amin'ny foloalindahy namany sy ny vahoaka:

"Ry rahalahy isany, foloalindahy mangataka fanazavana haingana amin'ny HCC, ary manao fanambarana amin'ny Malagasy, manoloana izao savorovoro izao.

Aza omena tsiny ny olom-pehezinareo raha mandray andraikitra, raha toa ka feno fitavozavozana ianareo voatendrin'izao fanjakana izao hitazona ny Commandement".

Tsy fanonganam-panjaka izany, fa fandraisana andraikitra hain-gana manoloana ny fahambangana araka ny lalàna, sy ny tontolo, ary izay feno fisalasalana, ary mba ho famerenana ao anatin'ny lalàna ny Rafitra politika sy sivily izay natao hibaiko antsika. Milomano ao anatin'ny tsy fanarahan-dalàna ny zavatra rehefa ataontsika, satria dia voamarina ilay fiteny hoe: "Toutes les décisions prises sont nulles et non avenues". Tena complice amin'ny tsy fanaran-dalàna isika raha tsy mandray fanampahan-kevitra hentitra sy haingana.

Satria, Mifamahafaho ny zavamisy ary mikorontana ny sain'ny vahoaka malagasy, fa indrindra ny an'ny miaramila manokana, manoloana ity resaka fananana Zòm-pirenena hafa ity.

Ny miaramila tranainy sy ny am-perinasa, dia manana adidy ny hanazava ny sain'ny Mpiray

Tanindrazana sy handray andraikitra haingana, indrindra amin'izao ankatoky ny fankalazana ny fetim-pirenena 26 jona izao, fetin'ny foloalindahy sy ny fankalazana ny niverenan'ny fahaleovantena izao. Ka raisinay ho zava-dehibe ny fandraisana ny fampahatsiahivana ny Fian-drianam-pirenena Malagasy: - inoana, fa n'inona n'inona haavo sy fomba nahatafiditra ho miaramila na ho polisy antsika tsirairay, dia heverina, fa mahalala ny hasin'ny atao hoe Tanindrazana isika, fa ny firenena, ny tanindrazana, ny fiandrianam-pirenena no fototra ny asam-piarovana izay asantsika foloalindahy.

Marihina, fa ny Filoham-pirenena lehibe faratampon'ny foloalindahy, no sary voalohany no sady tandidona faran'ny fiandrianam-pirenena sy ny "Intégrité Nationale". Ampahatsiahivana etoana koa, fa voasoratra ao amin'ny "Décret portant organisation générale de la défense nationale" eto Madagascar ireo rehetra voalaza etsy ambony ireo.

-Noho izany dia, Tsy tokony hikimpy amin'izay mety ho tombontsoa manokana ianareo zandry eo amperin'asa, fa himbanjina ny foto-kevitra ijo-roantsika, dia ny "Ho an'ny Tanindrazana".

Marina fa mety nisy hadisoanany ny tsy nanao tahak'ireo Zoky tao amin'ny miaramila frantsay, izay sahy nanary ny zòm-pirenena frantsay, fa hanompo an'i Madagascar; ka mahatonga ireo manamboninahitra sasantsasany amin'izao hanana zòm-pirenena hafa, ary dia mbola mitazona andraikitra ambony eo anivon'ny foloalindahy an-

kehitriny ihany koa. Dia mila ampahatsiahivana antsika ve fa adidin'ny Fanjakana no miaro ny firenena? Anefa dia ny foloalindahy no hery voalohany miaro sy mampisy ny Fanjakana eo amin'ny tany tan-dalàna. Inona ary io Lalàna arahana sy fototra io? Tsy anisan'izany ve ny "Code de Nationalité" malagasy? Ny charte des Nations Unies, izay manaiky ity firenena ity ho hisy sy hahaleotena? Ka ny Filoha no maneho izany any ivelany. Amin'izao anefa,

Ny Fiarovana ny Tanindrazana sy firenena amin'ny fomba moderina dia : tsy ady ifanandriana mivantana eo amin'ny miaramila na mpifahavalo irery intsony, fa miseho amin'ny endriny maro; izy koa tsy ny baiboly izay nentina nandemena ny sain'olona toa ny tany aloha intsony, fa efa mivoatra dia mivoatra; ary hita, fa afaka tsara mandresy tsy miady ny fahavalo, tsy misy rà latsaka, toy izao mitranga ankehitriny eto izao, ny firenena iray ; izany ilay lazaina hoe: " La fin (résultat) justifie les moyens". Izany hoe: Ny fanomezana zòm-pirenena hafa dia "moyen" fotsiny ihany, hamehezana sy hanirahana espion, mba hanao " infiltration", hakana fahefana sy ny tsiambaratelom-piarovana, fa ny tena tanjona dia ny fametrahana maharitra ny fiankinan-doha any ivelany ny firenena sy ho fanariana eo amin'ny taranaka ny maha malagasy azy (Néo colonialisme).

Ry Rahalahy isiany, na am-perinasa na misotro ronono, - ny sécurité, izay mifantoka amin'ny fiarovana ny Culture, ny Économie, ny tontolo iainana, ny olona sy ny fananany, dia adidy ambony tsy maintsy fantatra sy sahanina, n'inona

n'inona sakana misy. Ireo rehetra ireo no tokony harovantsika, fa tsy hijanona irery amin'ny Fiarovana ny faritr'i Madagascar (DOT) fotsiny akory. - Tadio, fa ny " Intérêts Vitaux sy ny Intérêts fondammetaux de l'État malagasy" dia andrakintsika sy fototra ny asantsika (Devoirs et missions). Ny Intérêts vitaux et fondammetaux dia: Ny fototra isian'ny Fanjakana sy ny fijoroany, mba hahaleotena sy velona eo anatrehan'izao tontolo izao, satria tsy voazanaka intsony.

Kanefa, Eto dia ny Président ny Repoblika mihiitsy no manana zòm-pirenena hafa, ary ny tena loza dia raha voamarin'ny lalàna fa niala taminy ny zò maha malagasy azy dia Voatafika sy resy izany isika, izay Loza noho ny mercenaires, toa an'i Bob Denard tao amin'ny Nosy Comores izao mahazo antsika izao.

Mafy ny Mpanafika, fa nahay niafina izy, ka ny olona mitovy zò amintsika ihany no nampiasainy handavaona antsika. Nisy firenena hafa niray tsikom-bakomba tamin'izao raharaha izao.

Fehiny: - Soa ihany anefa fa niseho sy tratra izao tranga izao, Noho izany, dia fotoana izao hanalana ireo manana zòm-pirenena hafa eo anivon'ny foloalindahy, araka ny voalazan'ny " Code de la Nationalité ", fa izany indrindra no tena atao hoe "Moralité" tokony hananantsika.

- Mijoroa, mahasahia, fa ny Tanindrazana no aloha sy ambony ny zavatra rehetra, izay efa namonoan'ireo razantsika ny ainy mba hiadanantsika ankehitriny, anjarantsika dimby izao no mampiseho fa azo atokisana

Ny Valosoa sy fakafaka
Miala Rajoelina. (J- 74)
Ninia naka zom-pirenena Frantsay

74 andro sisa (J- 74) dia tokony hametra-pialana ny filoha Andry Rajoelina raha hirotsaka hofidiana ho filohampirenena indray. Mialoha an'izany aza dia tokony hiala izy, satria manala-baraka firenena, ninia naka zom-pirenena Frantsay, izany hoe ninia nanary ny maha-Malagasy azy raha an-taratasy. Hatramin'ny oviana no hiheveran'ireo olon'ny fitondrana handrebirebena sy hamitahana mihiitsy ny vahoaka malagasy ? Efa noheverin'ireo mpanaraka ny raharaham-pirenena, fa tsy maintsy ny hitady ny fomba rehetra sy ny teny rehetra izay azo ampiasaina hiarovan-tena amin'ity resaka maha frantsay ary tsy malagasy intsony an'i Andry Rajoelina ity izy ireo. Efa mazava amin'ny vahoaka malagasy anefa ny marina amin'izany, ka tsy voavilivilin'ireo mpanodinkodin-dresaka sy filalaovana lalàna miaro azy intsony izy ireo. Miharihary tsara izao, fa ao amin'ireto olona ireto no misy ny mpanamboamboatra ny tantara, mba tsy hilazana hoe mpamily ny tantara marina, ho amin'izay maha metimety azy sy hiarovany ny tombontsoany manokana.

Tsy misy azo fitahina eto, iza no tsy mahalala fa rehefa olona manana na mizaka ny zom-pirenena frantsay, dia tsy maintsy miaro ny tombontsoa frantsay. Efa taona vitsivitsy lasa izay no nilazanay teto amin'ny gazety, fa tsy hiverina madio amin'ny Malagasy velively ireo Nosy malagasy raha mbola ao anatin'ny fitondrana Rajoelina. Voaporofa mazava izany izao rehefa nipoaka ity resaka fizakany ny zom-pirenena frantsay ity. Efa niharihary ihany koa, indrindra taorian'ny fifampiresahana teny Andafiavaratra, sy ny fankasany an'i Andry Rajoelina tany Frantsa, fa arirariran'ny mpitondra frantsay fotsiny ny resaka momba izany. Ary ny fitondrana malagasy dia hita ho manaraka ambokony fotsiny tsy misy atokona, fa kely endaka. Noho ny inona? Noho ny maha frantsay an'i Andry Rajoelina sy ny ankohonany.

Mbola hisy Malagasy ho voafitany amin'ny teny mampandry adrisa fanaony sy mbola nataony indray teny anaty Rovani Manjakamiadana farany teo ve? Tato anatin'izao fitondrana Rajoelina izao no niharihary ny fanitsakitsahana na fanosihosena ny fahamarinana. Tsy atao hahagaga raha toy izao no manjo ny firenena sy ny vahoaka malagasy. Tsy fahaiza-mitantana sy mitondra firenena ihany no fositry ny mampahantra ny vahoaka Malagasy, fa ny fiarovana ny tombontsoa vahiny, ny karana eo ihany, fa indrindra ny frantsay. Tranga hita eto amin'ny firenena tsara izany fitongilana izany, sy ny fanagejana ny Malagasy amin'ny endrika maro samihafa mba tsy hitraka sy tsy hihetsika hanohitra ny zavamisy mahaory iainany. Fotoana fisainana lalina sy andraisana fanapahan-kevitra izao, fa ho poitika eto ny firenena raha mbola ekena ny fitohizan'izao.

Sôh'son



isika, raha tsy izany, dia henatra manoloana ireo rahalahy miaramila aty Afrique sy any amin'ny firenena maro hafa ho antsika izao tranga izao. Aoka mba tsy hitanondrika manoloana ny namantsika afrikanina isika. - Mila mazava izao resaka izao, mialoha ny 26 juin, mba hana-votana ny sainam-pirenena sy ny foloalindahy,

- Mitandrema ianao eo amin'ny commandement (Tafika sy zandarimaria), fa sao lasa complices, fa haintsika tsara fa SAZY faratampony no miandry amin'ny famadihana ny firenena. Atsipy ny tady Atsipy ny teny...."

Ny Valosoa

Ny Valosoa sy hadihady

Miatrika krizy maro lafy tsy nisy toy izany ny Malagasy

Miatrika krizy maro lafy tsy nisy toy izany ny Firenena Malagasy sy ny Malagasy amin'izao fotoana, ka maizina tanteraka ny lalan-kizoran'ny mpiray tanindrazana. Miteraka adihevitra tsy misy fitsaharana ny resaka fifidianana filohampirenena sy ny fisitrahana-dRajoelina Andry Nirina ny zom-pirenena frantsay. Maro amin'ny mpanao politika sy ny fiarahamonim-pirenena no mahatsapa, fa tsy azo itokisana ireo andrim-panjakana roa misahana ny fifidianana: ny Vaomieram-pirenena Mahaleotena misahana ny Fifidianana (CENI) sy ny Fitsarana Avo momba ny Lalampianorenana (HCC), satria tsy takona hafenina fa mirona sy mpomba an-dRajoelina Andry ny mpikambana ao anivon'izy ireo. Ny fana-vaozana ny lisitra ny mpifidy nataon'ny CENI dia efa niteraka fanakianana miaivay, ka na ny fikambanana iraisam-pirenena (OIF) izay nanao fitsirihana (audit) izany aza dia nahita tsy fahatomombanana maro ary mbola hamerina izany rehefa tena mikatona tant-raka ny fisoratana anarana. Ambonin'izany, ny fepo-toana nolazaina fa nifaranan'izany aza dia nahemotra indray kanefa nihena ny isan'ny mpifidy raha hampitahaina tamin'ny fifidianana ny taona 2018. Tsy mahagaga ihany izany satria nisy « doublons » roa hetsy sy iray tapitrisa izay nezahan'ny CENI nesorina ireo amin'izao fanavaozana ny lisitra izao kanefa mbola miteraka ahiahy ihany izany, satria nahemotra hatramin'ny 20 jolay 2023 indray ny fepotoana famaranana ny fisoratana anarana. Ny fanontaniana dia tiana haverina indray ve ny « doublons » nateraky ny fanomezana faobe karapanondrom-pirenena (jugement supplétif). Etsy an-kilany koa dia misy olompirenena, tsy olonolom-poana, nisoratra anarana tao anaty lisitra nampanaovin'ny CENI kanefa rehefa nanamarina izany rehefa niverina teny amin'ny Fokontany ny lisitra dia tsy tao intsony ny anarany. Heverina fa tsy vitsy ny tranga toy izany, saingy tsy misy mpanontany izy ireny ka tsy hitany izay hisarantongana. Miteraka ahiahy ihany koa ny fanoloana sefom-pokontany any amin'ny toerana maro, satria misy olona tsy mipe-traka eo amin'ny Fokontany akory no tendrena ho amin'izany toerana izany ary depiote izay tsy manana

andraikitra amin'izany no manao bodongerona tsotra izao. Mirazotra amin'ity resaka fifidianana ity ny fiza-kan-dRajoelina Andry Nirina ny zom-pirenena frantsay satria ireo lalana: ny Lalampianorenana sy ny Lalampifidianana eto Madagasikara dia mandrara ny olona manana zom-pirenena vahiny hirotsaka kandida ho filoham-pirenena. Iaraha-miaina fa miteraka adihevitra mafana izany. Mitavoza ireo mpiaro an-dRajoelina Andry Nirina, satria tsy mifanojo ny fototra nahazoany izany. Ny minisitry ny serasera sy ny Kolotsaina, Rakotondrazafy Lalatiana, dia nilaza fa ny raiben'ny raiben-dRajoelina Andry Nirina no nizaka ny zom-pirenena frantsay, ka « par affiliation » (par filiation no marina satria ny mpikambana amin'ny sendika no « affilié ») no nizakany izany. Ramatoa Rina Rakotomanga indray nilaza fa araka ny « diplomasia » no nahazoany izany ny taona 2014. Raha ny didim-panjakana voasonian'ny Praiminisitra sy ny Minisitry ny Atitany frantsay nivoaka ny volana novambra 2014 tao amin'ny gazetim-panjakana frantsay anefa dia nangataka ny fisitrahana izany Rajoelina Andry Nirina. Araka izany dia tsy maharesy ny « marina » velively ny « lainga tsara lahatra » amin'izao toedraharaha izao. Ny hetsika ataon-dRajoelina Andry Nirina eto amin'ny Firenena, eo amin'ny sehatra rehetra, dia manaporofa fa fitondrana mpanjanaka no misy amin'izao fotoana izao, ka izay ataony dia famoretana ny Malagasy sy fanapotehana ny lafiny toekarena ary fampahantrana ny Malagasy valo ambiroapolo tapitrisa. Tsy mionona amin'izany ity vazaha manana ra malagasy mikoriana ao anatiny ity, fa manimbazimba ny kolontsaina sy vakoka ary manitsakitsaka ny Fiandrianam-pirenena Malagasy. Efa miantso ny manam-pahaizana manokana momba ny lalana ny Malagasy maro hanazava ny saim-bahoaka raha toa ka tsy maintsy hesorina amin'ny toerany (destituer-na) na tsy mahazo milatsaka ho kandida intsony izy amin'izao fifidianana filohampirenena izao. Tomponandraikitra amin'izay mety hitranga ny andrim-panjakana tokony handray ny andraikiny amin'izao toe-draharaha izao.

Andry Tsiavalona

NY TENY FIANANA



"Izay manota dia avy amin'ny devoly, satria ny devoly manota hatramin'ny voalohany. Izao no nisehoan'ny Zanak'Andriamanitra, dia ny handrava ny asan'ny devoly."

I Jaona 3:8

Antso Fiarahamonina Kristiana (AFK)

Hitondra lamina vaovao eo amin'ny sehatra ara-barotra

Tsy voafehy intsony ny fiakaran'ny vidim-piainana eto amin'ny firenena amin'izao fotoana izao. Tsy mitsaham-kiakatra isan'andro ny vidin-javatra na ireo entana fanjifa andavanandro. Ny tsikaritra dia ireo mpivarotra madinika sy ireo mpaninjara no tena manao ny ataony ka asondrony isan'andro ny vidin'entana eo aminy. Fantatry ny mpanjifa tsara ny paik'ady ratsy fanaon'ny mpivarotra, ohatra, rehefa tiandy akarina ny vidin'ilay entana, dia tsy apoitrany eo amin'ny tsenany aloha mandritry ny andro maromaro. Na mody mifanilika ihany koa izy ireo, ka ny mpaninjara manilika any amin'ny mpamongady ny antony mahatonga ny fiakaran'ny vidin'entana. Ireto farany indray, ohatra, manilika any am-potony na eo amin'ny tsena iraisam-pirenena. Ny tsy fahamarinana samihafa eo am-pivarotana tsy lazaina intsony, fa efa iaraha-mahalala, toy ny haladanja, ny mizana na ny famarana tsy marina, sns... Mila miverina amin'ny laoniny izany varotra gaboraraka anjakan'ny tsy fahamarinana izany. Mitaky fandaminana vaovao mihitsy izany eo amin'ny lafiny ara-barotra sy tsena. Manana ny lamina momba izany ny Vovonana Antso Fiarahamonina Kristiana (AFK). Mijoro eo anivony amin'ny alalan'ireo andry fototra sivy, ka anisan'izany ny ivo momba ny famarotana, ny ivo momba ny fenitra, ny ivo momba ny fiarovana. Manana ny lamina atolotra momba ny tsena, izay miala amin'ny foto-pisainana tranainy voafatotry ny tolotra sy ny tinady ary ny fikirakirana vola ny AFK. Voatsinjo na ny mpivarotra na ny mpanjifa ary misy ny vahaolana ialana amin'ny fanambakana sy fifampitsentsefana. Goavana ny lamina atolotra ity vovonana iray ary hafa noho ny an'ny rehetra milaza ho mahita ny vahaolana amin'izao korontana eo amin'ny sehatra ara-barotra izao. Izany lamina rehetra izany dia mahomby ao anatiny ny fifotorana amin'ny fampiasana ilay rindrambaiko, "Tenaikos", vitan'ireo manam-pahaizana malagasy miara-miasa aminy. Tsihivina, io rindrambaiko iray io, dia azo ampiasaina amin'ny sehatra maro samihafa ilaina eto amin'ny firenena, hatrany amin'ny sehatry ny fiangonana. Vonona hiara-hiasa amin'ny rehetra ny AFK araka izany. Fifandraisana: 034 17 460 53.

Aris

OLANA MAROLAFY MAHARENDRIKA NY FIRENENA

Hanangana Cellule de Crise maika ny Seces Antananarivo

Nanao fanambarana ny Seces Antananarivo, na ny sendikan'ny mpampianatra mpikaroka sy mpikaroka mpampianatra, manoloana ny olana samy hafa eto amin'ny firenena amin'izao fotoana, indrindra ny olan'ny fampianarana ambaratonga ambony, izay potehin'ny fitondrana Rajoelina.

Araka ny fanambarana : « manaja tanteraka antsakany sy andavany ny fehin-kevitra ny filankevipirenena SECES natao ny 8-9 jona lasa teo ary manantitrantitra fa vokatra mahafapo sy azo tsapain-tanana amin'ireo fitakiana voarakitry ny fehin-kevitra ny Filankevipirenena, fa tsy fitanisana ny dingana nolalovan'ireo tompon'andraikitra fotsiny ihany no andrasan'ny SECES dia ny :

-karaman'ny vacataires, ny indemnité de recherche et d'investigation ho an'ireo retraités chercheurs.

-Ny heures complémentaires ho an'ireo mpampianatra mpikaroka sy mpikaroka mpampianatra taom-pianarana : 2018/2019, 2019/2020



Ny sasany amin'ireo ao amin'ny Seces Antananarivo.

ary 2021/2022.

-ny vokatry ny 3 décrets, -ny famoahana ireo didim-panjakana miisa 5, -ny titularisation an'ireo mpampianatra mpikaroka sy mpikaroka mpampianatra mangataka ho Professeur Titulaire, -ny reclassement, -ary ny fibodoana ny tamin'ny Oniversite, ny Foibe m-pikarohana Nationaly, sy ny faritry ny toeram-ponenany mpianatra.

Manamafy ny fe-potoana tapaka nandritra ny Filankevipirenena hama-lian'ny fitondrana ireo fitakian'ny SECES ireo zo sy hasiny ireo hatramin'ny 30 jona 2023.

Satria manjaka tanteraka ny gaboraraka, ny fahantrana lalina iainan'ny vahoaka tsy mandady harona, ny tsy fandriampahalemana, ny fanitsakitsahan'ny mpitondra ny lalampianorenana, ny fanondranana tsy ara-da-

lana ny harem-pirenena, sns... ary indrindra indrindra, ny fanohintohinana ny maha-masi-mandidy ny vahoaka eto amin'ny tanindrazany sy ny fahaleovantenany, dia hanangana Cellule de Crise faran'izay haingana ny SECES, ary hamoaka tsoa-kevitra hamahana ny olana marolafy maharendrika ny firenena eo ambany vahohon'ireo tsy Malagasy.»

Nangonin'Isambilo

TONONKALO

Misy ihany ireo voatendry

Tena misy ireo voatendry no mijoro an-kitsim-po, Fa te hamboatra ny tsy mety sy hanala ny efa lo. Kanefa indrisy fa voasakana , vetivety dia voadaka, Raha vao hoe tsy mifanaraka amin'ny sain'ny tompondaka !

Raha vao hoe akamakaman'izy ngeza no voakitika, Dia miomana ianao voatendry , tsy ho ela dia hipitika. Tombontsoan'ny orinasa , tsy izay no lohalaharana, Fa ny hamenoana paosy sy ny hanaovam-pangalarana !

Tombontsoanao vahoaka , izany aloha dia tena gisitra, Fa izay ho an'ireo vaventy , izay no tena lohalisitra. Isam-bolana dia misy fanovana hatrany hatrany, Ny orinasam-panjakana no mazana isian'izany !

E jereo ny jiramaty sy ny iray tena malaza Izay mivoy ny retirety , indrindra koa ny volan-jaza. Heno fa voadaka indray ilay olo-notendrena tao, Fa hoe tsy mety tamin'ny bizin-dry tsy misy kalitao !

...Ka tsy hiarin-doha mihitsy ny orinasam-panjakana, Raha izay mbola jiolahy no ho ao anaty fitondrana. Mila fiovana maika ho hita taratra eto an-dasy, Lavinay ny tanalahy : vazaha mikiry hifehy ny gasy !

IRINA HO TAFITA (25-06-23)

An-tsary misongadina Ny Valosoa Vaovao

Helisoa

Nanome sakafo ireo mpanala CEPE ny talata teo ny kaominina Ampitatafika Antananarivo Atsimondrano, notarihan'ny ben'ny tanàna Rado Ramparaolina.



Noho ny fahatsiarovana ny niverenan'ny fahaleovantena, tsy adinon'ny Solombavambahoaka Kolonely Ramboasalama Emilien, ireo zokiolona ao amin'ny fikambanana TSINJO Fiadanana III- N. Notolorana vary sy menaka.



Nozaraina sakafo ireo ankizy nanala fanadinana CEPE tao amin'ny CEG Alasora, Kolejy ST Laurent ary ireo zanak'Alasora nanala fanadinana teny amin'ny EPP Ambohibato Ambohimambola, ny talata teo, mba hanalana fahasahiranana ho an'ireo ray aman-dreny. Nanolotra izany ny avy amin'ny kaominina, notarihan'ny ben'ny tanàna Jimmy Randriantsoa.



Andranoambo Ambodihady Ambohimarinana : tao Andranoambo no nanolotra fanomezana ho an'ireo ankizy sy fikambanan'ny vehivavy sy lehilahy ary ireo zokiolona ny depiote ao amin'ny Boriboritany faha-6, Todisoa Andriamampandry. Nanolotra lelavola, vilany, koveta, arendrina ifalian'ny fokonolona ary niara-nifaly tamin'izy ireo ity olom-boafidy ity.



FIFIDIANANA AMIN'NY RAFITRA ISAN'AMBARATONGANY

Mafy ny teritery ataon'ny mpitondra eo amin'ny baolina kitra



Misy ny fanehoan-kevitra momba ny fifidianana amin'ny rafia isan'ambaratongany eo amin'ny baolina kitra, araka ny vaovao voaray, mafy ny teritery ataon'ny mpitondra eo amin'izany sehatra izany : « Vita ny andro fahadimy amin'ny fifanintsanana CAN 2023 izay ho taterahana any Côte d'Ivoire amin'ny fiandohan'ny taona ho avy (13 janvier au 11 février 2024). Bet-saka ny ekipam-pirenena izay mbola miandrindra fatratra ny ho isan'ny 24 hiatrika io ady famaranana io. Ireo ekipa vaventy toa an'i Sénégal, Egypte, Maroc, Algérie, Afrique du sud... dia azo lazaina fa tsara toerana daholo. I Côte d'Ivoire mpampiantrano moa dia resin'ny Zambie tamin'ny isa mavestra 3-0. Raha mifandanja fatratra ny Groupe I izay misy ny ekipan'ny RDC, Gabon, Soudan ary Mauritanie dia azo lazaina fa efa tafita ary misongadina kosa i Guinée Equatoriale ao amin'ny groupe J ary efa miandrindra fatratra na dia firenena vitsy mponina aza. Ny eto amintsika dia nisarakana ady sahala samy tsy

nitoko isika sy i Ghana ary ny Barea dia tsy manana fanantenana hiatrika izany fotoan-dehibe izany intsony. Fantatra anefa ankehitriny fa dia miomana fatratra ny hanavao ny mpitantanana eny amin'ny rafia isan'ambaratongany toy ny Sections - Liges ary ny Fédération, ny mpitantana ankehitriny ary toy ny mahazatra dia miseho lany sahady ny antsojay sy ny teritery isankarazany. Tsy misy mahita ny lalam-pifidianana ireo izay maniry hilatsaka ankoatry ireo izay efa eo an-toerana ankehitriny ary mbola te-hifikitra toy ny eto Analamanga izay tarihin'i Tôta izay Ben'ny Tanàna eny Andoharano-fotsy. Dia toy izany no mitranga hatraiza hatraiza ary tsy misy ny mpanaramaso na dia nisy Commission elettorale vangavanga napetraka aza. Ny mpifidy moa dia ireo teo aloha ihany, izany hoe ny Clubs manana ny atao hoe Certificat De conformité no mifidy ny mpitantana ny Section. 1 Ny Certificat de conformité dia solontenan'ny MJS no manome azy, ka misy fepetra mazava toy ny hoe nandray tamin'ny

fifananan'ny Section na ny Ligue ny Club mangataka azy ahafahana mifidy. 2 Directions Régionales de la Jeunesse et des Sports. 3 Hihoatra ny 120 ny mpifidy. Nanjary nidiran'ny politika, ka izay mpitantana clubs tsy ao amin'ny antoko manjaka amin'ny fitondrana ankehitriny dia tsy omen'ny DRJS izany fanamarinana izany. Lasa resabe eto amin'ny tany sy ny firenena ity zava-mitranga ao amin'ny FMF sy ny rantsa-mangaika ity, satria mametraka fanantenana betsaka ny mpitia baolina kitra taorian'ireny fahombiazana izay tiany mbola hitohy ireny. Manahirana ny sain'ny mpanaramaso tokoa, satria ankoatry ny kolikoly izay hana-toerana lehibe amin'io fifidianana io noho ny tsy fampiharana ny fehin-kevitra maro voaraitra nandritra ny Conférence nationale nokarakarain'i Président Raoul Arizaka Rabekoto teny Ivato ary isan'ny nanenjehana azy ihany koa. Nandritra izany conférence nationale izany, izay nandraisan'ny mpisehatra rehetra amin'ny kitra anjara, no nanapahana fa Ampi-

tomboina 3 ny isan'ny mpifidy isan'ambaratonga hiarovana amin'ny fakampanahy kolikoly satria dia toy izao hitantsika ankehitriny izao no hiverina raha mbola ny fepetra ankehitriny no tazonina. Miandry fatratra ampitaintainana ny tohin'ny raharaha ny mpitia baolina kitra ary araky ny fantatra dia efa mitety faritra manaparitaka izay azo aparitaka rehetra ireo candidats izay mihevitra fa mananjaka, tsy dia misy hevitra fa ny vola no maharanga ho an-dry Alfred Randriamanampisoa (Député Elgeco plus - Ney-patraiky Rakotomamonjy Sénateur IRD sady Ministre HVM - Victorien Andrianony Vice-Président de Raoul Arizaka Rabekoto, fa efa saribakoly ankehitriny - Stanislas Rakotomalala SG Proleague teo aloha, fa tohanan'i Amo sy Tôta mafy tokoa...). Mitazam-potsiny ny Tompon'andraikitra ny raha izao no mitohy dia tsy hisy fanantenana sy masoandro mihiratra mihintsy ho an'ny tanora malagasy, fa dia miandry ny Mpitondra fanjakana ho avy eo handray fepetra hentitra sisa. Tantara mitohy... Ny Valosoa

Sakafo Ny Valosoa
Hena baolina sy anatsonga indray, no Sakafo eto amin'ny gazetinao androany. Hatao ketsaketsa izany. Dia mazotoa homana tompoko.

NY VALOSOAO sy Mahaso
Fanafody natoraly amin'ny sempotsempotra
Fanafody natoraly amin'ny sempotsempotra indray, no Mahaso eto zamin'ny gazetinao androany. Raha vao mahatsiaro sempotsempotra na mora vizakiana. Mba tsy ho tsentsina ny fantsona lehibe mpitondra ny rà Madio, na mpamoaka ny rà maloto avy ao amin'ny fo, izao atao : Zavatra ilaina : -Makà hasina tongolo gasy 3. Teteho madinika. FIKARAKARANA : Andrahoina amin'ny ronono 1/4 litatra. Avela hangotraka 5min. Avela hangatsiaka. Sotroy alohan'ny hatory. -Afaka atao indray isam-bolana. -Tena ataovy fa tsara, anisan'ny manala ilay tavy manodidina ny fo izany.



NY VALOSOAO sy Mahaliana
Ny tanànan'Ambohimananana distrikan'i Brickaville faritra Atsinanana

Ny tanànan'Ambohimananana distrikan'i Brickaville faritra Atsinanana indray, no Mahaliana eto amin'ny gazetinao androany. Renivohitry ny kaominina Ambohimananana ity tanàna ity, iray amin'ireo kaominina miisa 17 mandrafitra ny distrikan'i Brickaville. Vokatra any ny vary, ny fary, ny haninkotrana toy ny mangahazo, ny katsaka, ny voankazo toy ny akondro, ny manga, ny letchi.



Basket any Menabe

Mijaly foto-drafitrasa sy ailiky ny mpoitondra

Ny faha 10 ka hatramin'ny faha 18 jona lasa teo dia nampiantrano ny fifanintsanam-pirenena, fiadiana ny tompon-dakan'i Madagasikara basket-ball sokajy N1B ny faritra Menabe, lalao natao tao Morondava, ka nandritan'izany dia nitaraina avokoa ireo mpandray anjara, fa tsy manaraka ny fenitra ny fotodrafitrasa : ny kianja dia kely ny keceau tsy ampy refy, ka sahirana ireo mpilalao tamin'ny famonoana baolina. Na dia niezaka nitady vahaolana aza ny ligin'ny basket-ball Menabe dia tsy nisy ny vahaolana satria niady irey ny ligy tsy nisy ny fanampiana na avy amin'ny faritra na avy amin'ny ireo tompon'andraikitra eto Morondava. Toy izany koa ireo ekipa solontenan'ny faritra Menabe, izay nandray anjara tamin'ity fifaninananana ity raha roa ireo ekipa nisolotena ny faritra Menabe dia ny iray no isan'ireo tafiakatra N1A dia ny ASS avy ao Miandrivazo izay tsara ho marihina fa club vao taona iray no nijoroany izay terakatao amin'ny Association Sarimbo. Raha ity

fikambanana ity dia fikambanana naorin'Andriamatoa Ratovonjanahary Heritiana Guillaume, zanak'i Miandrivazo mikendry ny fanampiana sy fampivoarana ireo zanak'i Miandrivazo rehetra, miezaka misehatra amin'ny asa sosialy sy fifanampiana amin'ireo samy mpikambana. Tamin'ny 2020 no nijoroan'ny fikambanana ary ny taona 2022 no najoro ny ASS na Association Sprotive Sarimbo, izay entina hanabeazana ny tanora amin'ny fanatanjahantena, ka ny Basket-Ball no nanokafana azy ary anatin'ny famolavolana ny taranja hafa ny fikambana amin'izao hoy ny filohan'ny fikambanana Ratovonjanahary Heritiana Guillaume, fa noho ny hoenti-manana izay sarotra tokoa, satria dia mamelon-tena ny fikambanana, ka ny filoha no miezaka miantoka ny ampahany maro amin'ny fananinana, dia manao antso avo amin'izay malalata-nana ny fikambanana amin'ny fanohanana, satria sarotra ny fanatantehana zavatra indrindra fa eo amin'ny lafiny fanatanjahantena izay maro ireo fitaovana ilaina sy ny enti-manana. Mahatsiaro tsy misy mpijery ny ASS Miandrivazo tamin'ny fifaninananana iny, satria tsy mba nisy solontenan'ny tompon'andraiki-panjakana ato Menabe mba nijery na nanampy azy ireo, nefa dia ny anaran'ny faritra Menabe no nentin'izy ireo ary sambany teo amin'ny tantaran'ny Basket ball ato Menabe no mba nisy tafakatra N1A izany hatramin'izay. Tsy resy mihintsy moa ny eki-



Ratovonjanahary Heritiana Guillaume, Filohan'ny ASS Miandrivazo eo amin'ny basket-ball.

pan'ny ASS Miandrivazo tamin'ity raha tsy tany amin'ny manasa-dalana sy teo amin'ny fiadiantoerana. Mahatsiaro faly ny mpankafia ny taranja basket-ball ato Menabe tamin'ny endri-dalao sy ny vokatra izay azon'ity ekipa ity, saingy gaga ny rehetra fa tsy mba nisy ny fijeren'ny tompon'andraiki-panjakana tato Menabe ireto ekipa ireto izay nampiakatra avo ny lazan'i Menabe eo amin'ny taranja Basket-Ball nefa ny kopi-kole ny filoha dia nandaniana vola sy nampiasana fitaovam-panjakana ny fitsenana azy. Soa ihany fa tsy nataon'ny tompon'andraikitra tao Miandrivazo ambanin-javatra ireto mahery fony ireto, fa dia notsenaina nangotrakotraka izay notarihin'ny lehiben'ny distrika ary mankahery hatrany ny mpitarika ny fikambanana ny lehiben'ny ditrika amin'ny ezaka izay nataony nahazoana izao vokatra izao ary nitso-drano ny ekipa mba hazo ny amboaran'i Madagasikara sy ho lasa lavitra hatrany. Rajepa

ETAZONIA

Manampy mampihena ny tazomoka hatramin'ny 25%

Nampihena ny isan'ny olona voan'ny tazomoka voamarina teto Madagasikara ny governemanta amerikana tamin'ny taon-dasa, ka raha 2,3 tapitrisa izany teo aloha dia lasa nihena ho 1,7 tapitrisa ny isan'ny olona voan'ny tazomoka. Izany hoe nihena 25 % mahery ka nanavotra aina sy nihazona ny fahasalamam-ny vahoaka Malagasy mba afaka hamokatra sy hiantoka ny fampandrosoana ny firenena. Nandritra ny fankalazana ny Andro Manerantany la-diana amin'ny Tazomoka tany Farafangana no nahafantarana ireo vokatra ireo ary tafiditra ao anatin'ny tatitra isan-taona faha-17 nataon'ny Vinan'ny Filoha amerikanina momba ny ady amin'ny tazomoka (PMI) izany. Farafangana no tanàna lehibe indrindra ao amin'ny faritr'Atsimo -Atsinanana, izay nahitana ampahatelony mahery tamin'ny isan'ny olona voan'ny tazomoka tamin'ny taon-dasa. Eo ambany fitantanan'ny Sampandraharaha amerikana misahana ny Fampandrosoana Iraisam-



David Parks, avy amin'ny USAID Madagasikara.

pirenena (USAID) sy ny Foibe amerikana momba ny fanaraha-maso sy ny fisorohana ny aretina (CDC), ny fanohanana'i Etazonia no isan'ny nahafahan'i Madagasikara manamafy hatrany ny ady amin'ny tazomoka mba handaitra sy hamonjy aina eto Madagasikara. Tamin'ny taona 2022, nanampy ny "Programme National de Lutte contre le Paludisme" (PNLP) eto Madagasikara hiady amin'ny tazomoka ny PMI tamin'ny fizarana lay misy odimoka miisa 1,3 tapitrisa; famendrahana rano-panafody azo antoka ho an'ny tokantrano miisa 214.000 amin'ny famonoana moka, ka niarovana olona miisa

886.000; fanoomezana faram-pitsaboana fisorohana tazomoka ho an'ny vehivavy bevohoka maherin'ny roa tapitrisa; ary fitiliana sy fitsaboana natao tamin'ny olona miisa 7,8 tapitrisa. Ny governemanta amerikana sy malagasy, ireo mpiara-miombon'antoka amin'ny Roll Back Malaria, ary ireo tompon'andraikitra ara-pitantanana sy ara-pahasalamana eo an-toerana dia nanentana ireo matihanina ara-pahasalamana hampitombo ny ezaka ataony amin'ny fifitehazana ny tazomoka. Namarika ny Tale Lefitry ny Biraon'ny Fahasalamana sy ny Mponina ary ny Sakafo eo anivon'ny USAID/Madagasikara,

David Parks, fa "ny hetsika androany dia mam-pahatsiahy antsika fa isika rehetra dia mandray anjara amin'ny fifitehazana ny tazomoka", ary "afaka mankalaza ny zava-bitan-tsika hatramin'izay isika ary mampitombo ny ezaka iombonana mba hahatongavana amin'ny tanjona iraisana, izay hanafoana tanteraka ny tazomoka." Amin'ny alàlan'ny PMI, ny governemanta amerikana dia manome ny 50 % ny famatsiam-bola ilaina hanampiana ny Minisiteran'ny Fahasalambahoaka amin'ny alàlan'ny PNLP hampihenana ny tranga sy ny fahafatesana ateraky ny tazomoka ary handroso mankany amin'ny fanafoanana ny tazomoka. Toy ny "mpirahalany mianala," ny vahoakan'i Etazonia dia miara-miasa amin'ny vahoakan'i Madagasikara mba hifehezana ny tazomoka ary nanome 26 tapitrisa dolara tamin'ny taona 2022 ary 383 tapitrisa dolara nanomboka tamin'ny taona 2008.

Aly

Fampianarana Hanomboka ny 4 septambra 2023 ny taom-pianarana 2023/2024

Araka ny namberan'ny tompon'andraikitra misahana ny sekoly sty miankina ao amin'ny ministeran'ny fana-beazam-pirenena, na ny talen'ny ONEP, hanomboka amin'ny 4 septambra 2023 ny taom-pianarana ho avy 2023/2024 eto amintsika. Voalazany tamin'izany, fa tsy hifarana io taom-pianarana ho avy io, raha tsy amin'ny 28 jona 2024. Efa manomboka miditra amin'ny fotoam-pialan-tsasatra ny eto amintsika amin'ity volana jona ity, ny fanadinam-panjakana voalohany vita, ny CEPE dia tontosa ny talata lasa teo. Ireo mpianatra tsy manala fanadinana dia efa hiditra amin'izay fotoam-pialan-tsasatra lehibe izay, fa ireo mbola manomana fanadinana toy ny BEPC sy ny Bacc kosa dia mbola ao anatin'ny fanaovana famerenana ankehitriny mialohan'ny fotoam-panadinana. Arak'izany, 2 volana eo ny fotoam-pialan-tsasatra lehibe eto amintsika amin'ity taom-pianarana ho tapitra ity dia ny volana jolay sy aogositra izany.

Aly

Nieren-doza Nisy nitifitra nikasa hisy hamono ny mpanakanto Jaojoby

Nieren-doza ny mpanakanto Jaojoby sy ny tarika miaraka aminy. Nisy nitifitra nikasa hisy hamono ity mpanakanto ity, ary izy mihitsy no namberany fa nokendren'ireo olon-dratsy. Niharan-doza, nisy nitifitra tamin'ny basy ny fiara nitondra ny tarika Jaojoby, nandritry ny fiverenan'izy avy tamin'ny Festival Zetra tany Ambatondrazaka, Faritra Alaotra Mangoro raha iny hihazo an'Antananarivo iny izy ireo. Niala tany Ambatondrazaka ny alin'ny alahady 25 jona, tamin'ny 11 ora alina ny tarika Jaojoby, satria mbola maika ny hamonjy fetim-pirenena taty Antananarivo. Tonga soamantsara izy ireo, na dia potika tanteraka aza ny fitaratry ny fiara. Tsy nisy ny aina nafoy. Miantso ny mpitandro filaminana i Jaojoby hanokatra ny fanadihadiana momba izao herisetra fampihoro-roana izao.

Niaina

Kaominina Ivato Nafana ny « fête de la musique », ambohipihaonan'ny mpanakanto



Nafana ny "fete de la musique" ny 21 jona teo, tao amin'ny kaominina Ivato distrikan'Ambohidratrimo. Ambohipihaonan'ny mpanakanto ny tao an-toerana. Notanterahana ny 21 jona tokoa ny Fetiben'ny mozika saika manerana ny Nosy, tsy diso anjara tamin'izany Ivato. Fiaraha -miasan'ny Alliance Française (AFT), sy ny Kaominina Ivato ary ny Compagnie (Cie) Rian'Ala, no nahafahana nanantontosa izao hetsika goavana ara-javakanto izao. Teo amin'ny Sarimasina anoloan'ny Fokontany Ivato no nanaovana ny "

Fête de la musique". Nisy ny fampisehoana soradihy maoderna, ny dihy nentim -paharazana, ny dihy an- dalambe, ny hira samihafa, ny vely amponga, ny rap poezia, ny fanentanana ny DJ, ny fanentanana momba ny tontolo iainana ary nofaranana tamin'ny Zumba goavambe ny fotoana. Nandray anjara ny tarika: Mita B, Cie Rian'Ala, Sekoltora, DJ RS One, Best Duo, Respect All Crew, Joda's Group, Tina l'info, Unis Vers Vintsy, Njara Moandihy.

Aly



Ny mpanakanto Jaojoby sy ny fahapotehan'ny fitaratry ny fiara nitondra azy sy ny tariny.

Beakanga Mandoto Mihantsy mpitandro filaminana ny dahalo

Sahy mihantsy mpitandro filaminana mihitsy ireo dahalo nanafika tao amin'ny fokontany Beakanga, kaominina ambanivohitr'i Vasiana distrikan'i Mandoto faritra Vakinankaratra ny herinandro teo. Nanafatra ireo mponina mba hiantso vonjy amin'ireo mpitandro filaminana any Antananarivo izy ireo, fa nolazainy ho tsy mahasehaka azy ireo ao Mandoto. Raha vao ny faramparan'iny herinandro lasa iny no nanafika tao Anjeheze ao Beakanga ireo dahalo am-polony maro, ka nahafatesana zandary sy miaramila ary sivily iray avy dia niverina nanao ny

asa ratsiny indray tao Sarobaratra, izay tsy lavitra an'Anjeheze izy ireo ny alarobia lasa teo. Toy ny efa fanaony dia manangona ny omby rehetra ao an-tanàna ny ampahany amin'izy ireo, raha miam-bina sy mampihorohoro ny mponina kosa ny sasany. Omby manodidina ny 80 indray no lasa tamin'io fanafihana io, ka hatramin'ny Ora nanorantana dia mbola tsy nisy tafaverina amin'ny tompony avokoa. Renim-pianakavina iray 47 taona ihany koa no namoy ny ainy nandritra io fanafihana io, ka raha araka ny voalazan'ny vadiny dia bala fito no indray niantefa ta-

min'ity renim-pianakaviana izay namela kam-boty fito mianadahy ity. Antso avo Voasokajy ho faritra mena hatrany iny distrikan'i Mandoto iny. Efa nisy ny ezaka fametrahana mpitandro filaminana any an-toerana, saingy tsy mampiova ny zava-misy izany. Mangina mandritra ny fotoana fohy ny tsy fandr-driam-pahalemana dia io miverina manao ny ataony io indray ny dahalo. Raha ny ao Beakanga manokana dia efa in-telo voatafika tamin'ity taona ity. Omby manodidina ny 210 no lasan'ireo dahalo tamin'izany, ka zara raha

misy tafaverina amin'ny tompony. "Ho lany ritra ny ombinay raha tsy misy fandraisan'andraikitra haingana sy maty paika ataon'ireo tompon'andraikitra isan-tsokajiny", hoy ny solontenan'ny mponina izay nahazoana ny vaovao. Antso avo araka izany no ataon'izy ireo amin'ny filoham-pirenena izay nampanantena fandr-driampahalemana. Mangataka koa izy ireo ny mba hampiasana angidimby amin'ny fanenjehana ireo dahalo, fa tsy hajanona ho fitaovana fitaterana maratra fotsiny io fitaovana io.

Ambinintsoa


Taratasin'ny mpamaky

Fanehoan-kevitra ampitaina amin'ny gazety sy ny mpamaky ary ho an'ireo izay mety hiantefany izao manaraka izao. Hoy Pr Honoré Rakotomanana : manana zom-pirenena ara-dalàna ary Malagasy ray sy reny ny filoha Andry Rajoelina. Manana rà Malagasy. Izany amiko no tena "FAUX DÉBAT". Fa iza moa no tsy mahafantatra izany Ray aman-dreny izany? Malagasy iny ka ! Ny rehetra tsy mandà izany ... Saingy tsy any ny ady hevitra e ! Hitako ianareo no manizingizina mafy koa ! Fa iza no miteny hoe tsy Malagasy izy ? Ny fizakany ny ZOMPIRENENA FRANTSAY anie no resaka e ! Izay miteraka ny fahaverezan'ny zo maha Malagasy azy ary indrindra amin'ny filatsahana ho fidiana. An-taratasy no resaka eto fa tsy fijery ivelany e ! Voarakitra ao amin'ny lalam-panorenana. Izay izany no maha lany fotoana anareo manazava io satria any amin'ny tsy tokony ho azavaina indray ianareo no mamatrapatratra ... Mamonjy Ny Rina Mpamaky gazety Ny Valosoa Vaovao, Toamasina

An-tsary misongadina Ny Valosoa Vaovao

Helisoa

Niantoka ny ankizy rehetra nahazo voalohany sy faharoa tao amin'ny Ceg Ambohidrapeto Antananarivo Atsimondrano, ny ben'ny tanàna Mihary Andriatsilavo mivady.



Noho ny fetin'ny Asaramanitra 26 jona dia nanolotra sakafo ho an'ireo mponina sahirana tao Besarety, ny depieten'ny Boriboritany faha-3, Feno Ralambomanana.



Fokontany miisa 5 tao amin'ny boriborintany faha-2, no notoloran'ny depiote voafidy tao amin'ny boriborintany faha 2 Randrianarisoa Stanislas Rastany vary sy arendrina, amin'izao fahatongavan'ny Asaramanitra izao, ho an'ireo mponina sahirana, ho hanalana fahasahiranana azy ireo noho ny fety izay.



Nizara vary ho an'ny olona miisa 3500 ny kaominina Alasora Avaradrano noho ny fetim-pirenena, tao amin'ny kianja Maitso Alasora ny zoma teo. Nanatrika izany ny filoha Marc Ravalomanana filoha nasionalin'ny antoko TIM.

